



**Volumen Epistolarum, Qvas Romani Pontifices, Gregorijs
III., Stephanvs III., Zacharias I., Pavlvs I., Stephanvs IV.,
Adrianvs et Pseudopapa Constantinus miserunt& reges
Francorum, Carolvm Martellvm, ...**

Gretser, Jacob

[München], 1613

Item exemplar Epistolæ eiusdem Papæ, ad Domnum Carolvm Regem
directa pro exaltatione sanctæ Dei Ecclesiæ, & de Possessore &
Rabigaudo, ipsum Apostolicum despicientes Spoletto ad Hildebrandum
ducem ...

[urn:nbn:de:hbz:466:1-65166](https://nbn-resolving.org/urn:nbn:de:hbz:466:1-65166)

Marcario duci præcipiendum, vt iam fatum Maurici-
um Episcopum, qui in visione vestrae excellentiae præ-
sentatus est, vt eum in suo Episcopio reuerti faciatis
pro vestrae animae mercede, eo quod ipse iam dictus
Episcopus ad nos properauit, & nos eum iterum di-
reximus ad Marcarium ducem Foroiuliensem, vt qua-
liter à vobis fuerit dispositus, ita peragere debeat; Et
hoc petimus Excellentiam vestram, vt per vestrum
congruum dispositum ipsa adprehendatur, pro vt sa-
lus populi, qui ibidem commoratur, proueniat. Inco-
lumem excellentiam vestram gratia superna custo-
diat.

*Item exemplar Epistola eiusdem Papæ, ad
Domnum Carolum Regem directa pro exaltatione sanctæ Dei
Ecclesiæ, & de Possessore & Rabigando, ipsum Apostoli-
cum despicientes Spoletum ad Hildebrandum du-
cem perrexerant & inde Beneuento
peruenerant.*

** Rabigan-
do.*

LVIII.

*Summ. 24.
Bar. &
Gent.*

DOMNO excellentissimo filio Carolo, Regi
Francorum, & Langobardorum, atq; patricio
Romanorum Adrianus Papa. Omnino cõ-
fidimus & certi sumus, quòd tua à Domino protecta
excellencia in his, quæ pariter loquentes inter nos
conuenerunt, firmiter atq; immutabiliter permanere
studeat; & charitatis vinculum in medio nostrum,
corroboratum, toto mentis adnifu, atque sincero affe-
ctu, obseruare procuret; dum nos, Deo propitio, in ea
ipsa habita in inuicem dilectionis concordia cum ma-
gna sinceritate mentis satagimus perseuerare, quia,
Deo teste, dicimus, à quo cum vestra melliflua Chri-
stiani-

Christianitate in alterno amicitiae amore colligati sumus, maximam in tua à Deo inspirata benignitate habere videmur fiduciam, quod omnes causas sanctae Dei Ecclesiae, & prouinciae nostrae, salubri mancipentur effectui.

At verò, excellentissime & à Deo seruate fili, bone & optime Rex, tuae per huius nostrae Apostolicae relationis seriem deducimus notioni, quod dum ad nos peruenisset de fidelissimorum vestrorum Missorum aduentu, scilicet Possessoris, sanctissimi fratris nostri Episcopi, seu & Rabigaudi, religiosi Abbatis, in magno gaudio noster releuatus est animus, quoniam desiderabilissimum est, adsidue Missos excellentiae vestrae solitè cum magno gaudio & decenti honore suscipere, & per eos de vestrae sublimitatis sospitate certos esse. Vnde nos ilico secundum qualiter Missos vestrae regalis potentiae decet, omnem praeparationem seu & caballos obuiam eis direximus. Illi nempe, dum Perusium coniunxissent, relaxantes recto itinere ad nos coniungendum, secundum qualiter à vestro à Deo protecto culmine directi fuerunt, & vt vestros honorandos apices relegentes inuenimus nos despicientes, ad Hildebrandum in * Spoletium ^{* Spoletum.} perrexerunt, dirigentes nobis per nostros Missos; quòd tantummodo cum Hildibrando loquimur, & deinde vt directi sumus, vna vobiscum apud Dominum Apostolicum coniungemus. Postmodum enim, dum cum praedicto Hildebrando locuti fuissent; & apud eum diutius morarentur, nostras Apostolicas eis adiurantes direximus Syllabas; per Deum omnipotentem, & vitam excellentissimi filij nostri Domini Caroli Magni Regis, vt directi estis, ad nos con-

iungere satagite, vt vnanimiter pertractemus, quod ad exaltationem sanctæ Dei Ecclesiæ pertinuerit, & ad laudem regni vestri præcellentissimi filij, agere studeamus, & tunc per dispositum, vt eius præcellentia decet Missos, apud Beneuentum vos proficisci disponemus.

Sed illi, nescimus quid pertractantes, statim à Spoletino in Beneuentum perrexerunt, nos in magna dereliquentes ignominia, & Spoletinos ampliauerunt in proteruia. Vnde valde hanc nostram perturbauerunt prouinciam, & pro hac re in magna tristitia noster iacet animus, quia quantum per illos expectabamus suscipere sperata nuncia de exaltatione sanctæ nostræ Ecclesiæ, sicut & in vestris reperimus honorandis apicibus, & nostri nobis tulerunt Missi, qualiter à vestra regalitate iniunctum habuerunt, in tanta afflictione & deminoratione conati sunt.

Sed recordari te credimus, dulcissime atq; amantissime fili; qualiter nos benignissimo vestro ore affati estis, dum ad limina beatorum principum Apostolorum Petri & Pauli properati estis, quia non aurum, neq; gemmas, aut argentum, vel literas, & homines conquirentes, tantum fastidium cum vniuerso à Deo protecto vestro Francorum exercitu sustinuissetis, nisi pro iustitiis B. Petri exigendis, & exaltatione sanctæ Dei Ecclesiæ perficienda, & nostram securitatem ampliare certantes, sed tamquam presentaliter coram vestris mellifluis regalibus obtutibus assistentes, obsecrantes petimus vestram à Deo fundatam regalem potentiam, vt de tanta & tali tribulatione, in qua nos ipsi vestri dereliquerunt Missi, velociter per fidelissimos & benignissimos vestros Missos, nos consolari & iactari.

lætificari iubeatis, quia & ipsum Spoletinum Ducatum vos præsentialiter obtulistis, protectori vestro B. Petro, principi Apostolorum per nostram mediocritatem, pro animæ vestræ mercede, & ita obnixè quæsumus, præcellentissime fili, vt nostram deprecatione de prædicta afflictione & prænominato Spoletino Ducatu celerius effectui mancipetis, quatenus dignam à misericordissimo Deo nostro, intercedente B. Petro, Apostolorum principe, pro cuius amore & reuerentia aurem nostris petitionibus accommodare inspiratus fueris, suscipias mercedem, quia, Deo teste dicimus, nil nisi vestram cupimus exaltationem & lætitiā, dum, annuente Deo, magna inter nos atq; insolubilis charitatis concordia corroborata est, permanentes in his, quæ mutuo inter nos asserentes confirmauimus. Incolumem excellentiam vestram gratia superna custodiat.

*Item exemplar Epistolæ eiusdem Papæ, ad
Domnum Carolum Regem directæ, in qua continetur, quod
Hiltibrandus & * Aragis, atq; Rodgans, nec non & * Regim- * B. & Cær.
baldus Duces consilium inierant, qualiter se in vnum conglo- Arogis.
barent, cum Grecis & Adalgiso, terra marig, ad dimicandum * Ragonal-
contra Romam & Italiam, & sub nimis adiuratio- dus. Regi-
nibus postulans adiutorium naldus,
contra eos.*

LIX.

DOMNO excellentissimo filio Carolo, Regi Summ. 21.
Francorum & Langobardorum atque Patri Bar. &
cio Romanorum Adrianus Papa. Reminisci Cent.
cōsideramus à Deo protectam excellentiā vestram, q̄
sæpius